

He Wehewehe no ka Ho‘opihapiha Pepa Noi Komo no ka
Papahana Kēkelē Laeo‘o no ka Ho‘ona‘auao ‘Ōlelo a Mo‘omeheu ‘Ōiwi

PAPA HELU

- Ka Palapala Noi Komo Kulanui no ka Mulipuka
- Ke kākī noi komo he \$50
- Ka leka noi komo (e nānā ma ka ‘ao‘ao 2)
- Ka mo‘omō‘ali kaha kulanui (na ke kulanui e ho‘ouna pololei mai ma ka leka pa‘a)
- Nā leka kākō‘o he ‘ekolu (na ke po‘okumu o kou kula i hana ai kekahi o ia mau leka)
- Ka Palapala Hō‘oia Hana
- Ka Nīnauele

No nā Haumāna ‘Āina ‘Ē:

- Ke kaha hō‘oia puka no ka hō‘ike TOEFL
- Ka palapala hō‘oia pu‘u kālā

**LĀ PALENA PAU MAKAKOHO:
01 Kekemapa**

KA PAPAHAHA

He papahana ho‘omākaukau ka papahana M.A. Ho‘ona‘auao ‘Ōlelo a Mo‘omeheu ‘Ōiwi i ka po‘e e a‘o ana i ka ‘ōlelo a me ka mo‘omeheu ‘ōiwi, e la‘a me nā kumu kula, nā po‘okumu, nā laekahi kumuwaiwai mo‘omeheu ‘ōiwi, a me ia ‘ano aku ia ‘ano aku o ka po‘e a‘o ‘ike ‘ōiwi. He papahana ho‘i e ho‘olako ana i nā kumuwaiwai e na‘auao ai i ka ‘ōlelo a me ka ‘ike mo‘omeheu ‘ōiwi. Pūpūkahi ho‘i ko Ka Haka ‘Ula o Ke‘elikōlani, ko Kahuawaiola, ko ka Hale Kuamo‘o, ko ka ‘Aha Pūnana Leo, a me ko nā kula ho‘okolohua M-12 i “‘au umauma ‘o Hilo i ka wai.”

He ala hana maoli ko ka M.A. Ho‘ona‘auao ‘Ōlelo a Mo‘omeheu ‘Ōiwi; ‘a‘ohe ala kākau pepa noi‘i i kēia wā ‘ānō. Koi ‘ia ka puka mua ma ka Papahana Ho‘omākaukau Kumu ‘Ōiwi ‘o Kahuawaiola a i ‘ole paha ma kekahi papahana ho‘omākaukau kumu ‘ē a‘e i ‘āpono ‘ia e ka Moku‘āina ‘o Hawai‘i. Ma ka ‘ōlelo nui ‘ana o ka haumāna M.A. i ka ‘ōlelo Hawai‘i i kēlā lā kēia lā ma ka papa e mākaukau ai ke a‘o ma ka pae ki‘eki‘e ma hope aku.

No kēlā a me kēia haumāna e komo ana i ka papahana M.A., he koina ka wali o kāna ‘ōlelo Hawai‘i a me kona ‘ike i ka mo‘omeheu ‘oia‘i ‘o ka piko ana ia o kāna mau hana ma ke kula a me ka papahana.

KE KA‘INA HANA NOI KOMO

‘O ka lā palena pau no ke noi komo ka lā 01 o Kekemapa. Ma hope o ia lā, e ‘ae wale ‘ia nō nā noi lohi inā mau nō ka lawa o ka lumi.

E ho‘ouna ‘ia ka pepa noi komo i ke Ke‘ena ‘Aekomo o ke kulanui a ho‘ouna ‘ia nā palapala kākō‘o ‘ē a‘e a pau i ke koleke ‘ōlelo Hawai‘i ‘o Ka Haka ‘Ula o Ke‘elikōlani.

E pane‘e ‘ia aku ana nā noi e kū ana i nā koina a pau i ke Kōmike ‘Ae Komo o Ka Haka ‘Ula O Ke‘elikōlani. E ho‘ouna ‘ia aku nā mana‘o ho‘oholo o ke kōmike i ke Mokuna Mulipuka nāna e hō‘ike aku i ka mea noi.

NĀ KOINA KOMO

1. He kēkelē laepua no kekahi kulanui i ‘āpono ‘ia, me ka mēkia i ‘āpono ‘ia e ka Papahana e la‘a me ke kālāi lāhui ‘ōiwi, ke kālāi mo‘omeheu lāhui, ka ho‘ona‘auao, ka ‘ōlelo ‘ē, a pēlā aku; he 3.0 a ‘oi ka ‘awelike kaha;
2. ‘Ekolu leka kākō‘o. He kālele kekahi o nā leka i ka ‘ike o ke kanaka i kāna ‘ōlelo a me ka mo‘omeheu Hawai‘i, a me kāna hana i loko o ke kaiulu Hawai‘i;
3. Ka ‘awelike kaha he 3.0 ke emi loa o nā ‘ai hope loa he 60;
4. He 30 ‘ai kulanui ma nā papa ‘ōlelo Hawai‘i, a i ‘ole he hui pū o nā papa ‘ōlelo Hawai‘i a me nā papa ‘ōlelo ‘ē, nā papa kālaikanaka, a me nā papa kālāi‘ōlelo paha i ‘āpono ‘ia e ka Papahana; me ke kaha “B” a ‘oi ma nā papa a pau a me ka ‘awelike kaha he 3.0 ke emi loa;
5. He 9 ‘ai kulanui ma nā papa mo‘omeheu Hawai‘i, a i ‘ole he hui pū o nā papa mo‘omeheu Hawai‘i a me nā papa hulikanaka, nā papa kālaikanaka, a me nā papa kālailaunakanaka paha i ‘āpono ‘ia e ka Papahana; me ke kaha “B” a ‘oi ma nā papa a pau a me ka ‘awelike kaha he 3.0 ke emi loa;
6. ‘Ike a‘o ma ke kulanui hai a manawale‘a paha;
7. Nīnauele;
8. Puka ma ka hō‘ike TOEFL me ka ‘āpono o ke Kulanui, a i ‘ole paha, ua wali mua ka ‘ōlelo Pelekānia a lawa kūpono; a
9. Puka ma ka Papahana Ho‘omākaukau Kumu ‘Ōiwi ‘o Kahuawaiola, a i ‘ole puka ma kekahi papahana ho‘omākaukau kumu ‘ē a‘e i ‘āpono ‘ia e ka Moku‘āina ‘o Hawai‘i*, **A ME** ka puka ma ka hō‘ike ana mākaukau KHAW 490 kekahi. *Inā paha

ua puka mua ma kekahi papahana ho'ona'auao i 'āpono 'ia e ka Moku'āina 'o Hawai'i, e puka ikaika ma ka hō'ike ana mākaukau kumu a Kahuawaiola. Na ko Kahuawaiola mau kumu laeo 'o e hā'awi i ia hō'ike.

KA LEKA NOI KOMO

E kākau i leka noi komo e pane ana i kēia mau nīnau:

1. *He aha kou nu'ukia ho'ona'auao?*
2. *Pehea e kōkua ai kou 'imi na'auao 'ana ma ia pae i ka ho'ona'auao 'ōiwi?*
3. *'Oiai 'o ka noi'i kekahi huapuka nui o ka papahana, he aha ke kumuhana a i 'ole ka pō'aiapili noi'i āu e no'ono'o nei?*

KA HO'OILI 'AI KULANUI

'A'ole nō 'āpono 'ia nā noi ho'oili 'ai no ke komo ma kēia papahana nei i kēia manawa.

No ka 'ikepili 'ae komo, e kama'ilio me:

Māhealani Jones
Mokuna Mulipuka, UH Hilo
200 West Kāwili, Hilo, HI 96720-4091
kelepona: 808-932-7926
hiograd@hawaii.edu
www.uhh.hawaii.edu/academics/graduate

No kekahi 'ikepili hou aku, e kama'ilio me:

Ku'ulei Kepa'a
Ka Haka 'Ula O Ke'elikōlani, UH Hilo
200 W. Kāwili, Hilo, HI 96720
kelepona: 808-932-7730
kelepa'i: 808-932-7214
kuulei.kepaa@hawaii.edu

No ke noi komo, e 'e'e ma:

<http://hilo.hawaii.edu/admissions/Apply.php>

E ho'ouna pololei 'ia nā palapala kāko'o a pau i ke koleke 'ōlelo Hawai'i 'o Ka Haka 'Ula o Ke'elikōlani.

NĀ KOINA PUKA

13 'ai ma ke kālele ho'ona'auao 'ōlelo 'ōiwi:

- KED 620 (3) Paepae Ho'ona'auao no ke Kula Maui Ola
KED 621 (2) Mākau 'Ōlelo no ke Kula Maui Ola
KED 623 (2) Pilikanaka no ke Kula Maui Ola
KED 625 (1) Mākau Kino no ke Kula Maui Ola
KED 626 (2) 'Epekema no ke Kula Maui Ola
KED 627 (2) Makemakika no ke Kula Maui Ola
KED 628 (1) Pāheona no ke Kula Maui Ola

6 'ai ma ka seminā a'oākumu:

- KED 642 (3) Seminā A'oākumu I
KED 644 (3) Seminā A'oākumu II

3 'ai ma ka papa:

- KED 630 (3) Ka'akalai Noi'i ma ka Ho'ona'auao 'Ōlelo a Mo'omeheu 'Ōiwi

3 'ai ma ka papa:

- KED 693 (3) Ka Hana Noi'i ma ka Ho'ona'auao 'Ōiwi

6 'ai kūpono ma nā papa koho 600 no ka ho'ona'auao, no nā 'āina 'ōlelo pālua, a no ke kālai'ōlelo paha, mai loko mai o 'elua o kēia mau mea nei:

- HAW 632 (3) Ke A'o 'Ōlelo Hawai'i i nā Mānaleo
KED 660 (3) Ke Kālailai a me ka Hana Maoli i ka Ho'ona'auao 'Ōiwi
KED 661 (3) Haku Papa Ha'awina Maui Ola Hawai'i
KED 662 (3) Ke Ola Pono ma loko o ka Ho'ona'auao

Ka ho'okō i nā koina 'ē a'e o ka papahana Kahuawaiola*:

- KED 641 (9) A'oākumu I
KED 643 (9) A'oākumu II

**AI 'OLE, hiki ke hō'alu 'ia nā papa 'elua inā 'āpono 'ia kekahi pani like.*